



3562-42

f-15

X 2000

ՊԸՏԱՌԻԹԻՒՆ

Բ-15 ՆԻՐԶԻ

ԵՒ ՄԿՐՏՈՒԹԵԼՆ

Յովհաննու Յովսեփայ Քաի
տեքեան մեծանուն շրէի՛ Բա-
բունեղ Եբրայեցւոց՝ Ի գա-
ւառին ԼՂամանաց :

Որոյ գաւանեալ զուղղափառ հաւատս՝
մկրտեցաւ հանդերձ այլ ևս հինգ գեր-
դաստանօք , որպէս է տեսանել
՚ի սոյն պատմուն շարադրե-
լոյ յինքենէ՛ Ի լեզու
Գերմանացւոց :

Թարգմանել է Ռուս յեպոստոլայան Բարբառոյ
Ի Տէր Յովն Եւարդապետէ՛ Պ. Եպետեան
Եգեպոսոյոյ յաթի Տ՛ 1797
Ի ԼԻՂՈՒՆՕ :



28 + 322.1

1871

1871

1871

Handwritten text in Cyrillic script, likely a list or record.



Handwritten text in Cyrillic script, likely a list or record.





Ս ՅՈՎ ՀՆՆՆԻՍ ՅՈՎԹԻՓ
Քահանայքեան՝ (Մովսէս Վեիան
ոճանեալ նախ քան զմկրտութիւն

իմ,) որդի Յովնաթանու Վեկայ Քահանայքեան,
և Սարայի Վեկայ, ծնայ յամի Տ՛ն 1755. ՚ի
Կօնարին հառուսոն քաղաքի մերձ ՚ի Կողոնիա ՚ի
վերին Գերմանիա: ՚ի յուզայեան գաւազանէ
շառաւիղեալ աղջառահմին իմոյ՝ մեծապէս ՚ի
յարգի է ցեղ մեր առ Արրայեցիս: Յորժամ
՚ի լոյս ընծայեցայ, հայրն իմ էր երեւել Սար-
բի Կոչիկօք և Պօսկնահանգացն Գերմանիոյ,
այժմ քահանայապետ և գաւառապետ է կայսր-
ընտիր գաւառացն Կողոնիոյ, Տրէվիրայ, և
սահմանացն կայսրընտիր Պալատինաոայ:

Օ՛նօղք իմ ՚ի մանկութենէ անտի իմմէ՝ ընտ-
րեցին զիս ՚ի պաշտօն քահանայութեան, որոյ
քն և զամ կարելի իննամ տանէին ՚ի դաստիա-
րակել զիս, և վարժել ՚ի մովսիսական օրէնս:
Կրթե

Իբրև եղէ ամաց հնգետասանից , առաքեցին զիս յերրայեցի համալսարանն Սէց քաղաքի 'ի Լօռենա , ուր մնացի ամս երկուս : Յայնժամ՝ առաքեցին զիս անտի յանոճանի համալսարանն Ռոակա քաղաքի 'ի Ռոսմիա , ուր 'ի սակաւ աւուրս երևեցուցի մեծամեծ յառաջագիմնութիս 'ի փիլիսոփայական և յածարանական ուսմունս երրայականս , և գլխաւորաբար 'ի ծանօթութիւնս գրեանց հին կտակարանաց : Յայսմ համալսարանի ստացայ զմեծ անուն և զհամբաւ , և ընկալայ բազում պարգևս յարգանաց , յորոց ունիմ առ իս պահեալ մինչև ցարդ , բաց յայլոց՝ ևս և յայնց՝ զորս քահանայապետն նոյն Ռոակա քաղաքի , և վարժապետք իմինձ տոճեալ էին :

Իբրև եղէ քսան և մի ամաց՝ ձեռնադրեցայ քահանայ ըստ ծիսի և ըստ հրէական աւանդութեց՝ 'ի ժողովրդանոցն Ռոակայ՝ 'ի քահանայապետէ անտի Ալզեկիելէ Ղևեայ , և 'ի հետևեալ աւուր շաբաթու՝ որ օր եօթնևտասն էր Յուլիսի 1776 ամի , արարի զառաջին ատենարանութիւն իմ : Օկնի ձեռնադրութե կոչեցայ առժամայն 'ի հօրէ իմմէ՝ 'ի տուն , ընտրեցայ Աարբի և օրինաց վարդապետ ժողովրդանոցաց Լյմերիկ , Աէսսէլ , Արէվէնպրօիկ , և Տուլքէն՝ շրջակայ քաղաքացն Աողոնիոյ : Ընդ սկիզբն արարի յատենական բանս իմ եռանդագին

դագին նախանձաւորութեամբ ընդդէմ զինիլ
քրիստոնէական կրօնի: Սանայսորիկ վաղվա-
ղակի ստացայ զմեծ յարգութիւն և զհամա-
րումն առ քահանայապետս և առ բարունիս
(Լըրայեցւոցն) Վերմանիոյ. որք մեծամեծ գո-
վութիւնք բարձրացուցանէին զիս, սքանչացեալք՝
եթէ 'ի վերայ քաջ վարժութե իմոյ 'ի գիտու-
թիւնս, և եթէ 'ի վերայ նրբաքննին բացատ-
րութեանց իմոց 'ի մեկնել զօրէնս:

Աս սյսքան պատիւ փբացեալ՝ ձեռներէց եղէ
զրել ընդդէմ քրիստոնէական կրօնի: Վերքն
իմ շարադրեալ դժոխային շարութեամբ, և լե-
ւամ հայհոյութիւն, այնպիսի մեծ գովասանութի
ընկալաւ 'ի քահանայապետաց՝ Համպուրկ,
Պէրլին, և Վրանգֆորթ քաղաքացն, մինչև
'ի բանս քննութե իւրեանց և հաւանութեան՝
զոր յաւելին 'ի նա, ետուն ինձ զպատուանունս,
Լոյս Իսրայել:

Յամին 1780, 'ի քսանևչորսն Սարտի-
յորում աւուր՝ որովհետև ըստ Հրէիցն ա-
ւանդութեան կատարի տարեդարձ յիշատակի
հանգստեան Մովսեսի (մարգարէի), յանձ-
նեցաւ ինձ ատենաբանել ('ի ժողովրդանոցի)
'ի ներքող նորին Մովսեսի: 'Ի սոյն ճառի՝
տունս ինչ 'ի յիննեւրեքերորդ գլխոյ մարգա-
րէութեն Լասայեայ՝ սեփականեցի սրբազան օ-
րէնսդրին, զորոց զճմարիտ միտս պարտ էր

իմանալ 'ի վերայ չարչարանաց Վնի փրկչին
մերոյ :

Վայց յատենարանել իմում զգացեալ 'ի
յիս զներքին բռնն տհաճութի, սկսայ մտա-
դիր լինել 'ի սրտի իմում, եթէ զեւրդ մարմն
է վերաբերել 'ի Վովսէս զիմաստ ամի սոցա :
Լյս է որ ինչ 'ի սոյն Վլ. ծի. 'ի համարս

5. Վն իրաւորեցաւ զն Ռդայց Ռրոց. եւ
սպարժեցաւ զն Ռրոց անօրէնութեց . . . եւ նի զն
բօնի բժշկեցաւ :

7. Իբրեւ զն խար 'ի սպանեղ վարեցաւ . եւ իբրեւ
որով ոտաջն իորչն անհասունն իսց :

8. Լն իսնարհութեւ նի զսպասարանն նի բար-
խա . . . յանօրէնութեց ժողովարեանն ինոյ 'ի հոհ
վարեցաւ :

9. Լն սոց զչարս իսխանանի գերեւմանի նորա .
եւ զեծաւեծս իսխանանի հոհոն նորա .

Վովսէս՝ ասէի ես 'ի սրտի իմում՝ ,, ոչ մե-
,, ռաւ վն մեզաց մերոց . . . : Վովսէս՝ ոչ
,, իբրեւ զոչխար 'ի սպանդ վարեցաւ . . . : Վն
,, ոչ մեռաւ վն մեզաց մերոց . . . ոչ թաղեցաւ
,, 'ի մեջ հարստաց ,, :

Լյսպիսի և այլ սոցին նման խորհուրդք խոռ-
վէին յոյժ զմիտս իմ . վն իբրեւ աւարտեցի
զճառն իմ, հետամուտ եղէ 'ի յոյզ այլ իմն
մեկնութեն այսր զլսոյ Վսպեայ . բայց ամ
յոյզ և ինդիր իմ 'ի գերեւս ելանէին : Յետ
այ-

այսորիկ սկսայ քննել զամ անձաշունչ սբ գիրս,
 և գտի մեծամեծ տարբերութիս ընդ մէջ կրօնի
 իմոյ, և ընդ մէջ նախնի կրօնի հարցն մերոց :
 Տեսի զհրէայս ժամանակիս առանց թագաւորի,
 առանց առաջնորդի, առանց կառավարութե,
 առանց տաճարի, առանց սեղանոյ, և առանց
 զոհի : Օխորդ կարելի է՝ ասէի ցանձն իմ,
 թէ բարձի թողի արասցէ ան զժողովուրդն
 իւր, եթէ ժողովրդեանն չիցէ նախ բարձի
 թողի արարեալ զլինելն ժողովուրդ այ :

Այսպիսի խորհրդոց և այլ բազմօրինակ մտա-
 ծութեանց զուգընթաց եղեալ, մեծապէս
 երկբայեցուցին զիս զկրօնէ իմմէ՝ զոր մինչև ցայն
 վայր ամ նախանձու դաւանեալ էի, մինչև
 սկսայ լուրեայն լինել ՚ի խնդիր այլ իմն ճշմա-
 րիտ կրօնի : Յարեցայ անմիջապէս ՚ի կրօնն մահ-
 մետական, բայց Վուրան նորին ոչինչ այլ ա-
 ռաջարկեր ինձ, բայց եթէ ընդդիմութիս հա-
 կառակ ուղիղ բանականութե, և ոչ զայլ ինչ
 անդէն գտի բնաւ, բայց եթէ զնորարուղիս ազ-
 բիւր երկբայութեց :

Օայնմանէ՝ զոր կարծիս Քրիստոնէից կոչէի,
 և ոչ խորհել իսկ բնաւ կամէի : Աւ կարի
 դժոճարին թոճէր ինձ հաւատալ փրկչի միոյ
 խաչեցելոյ : Միայն զմտաւ ամեն թէ ան եղև
 մարդ, և շրջեալ յաշխարհի աղքատութի մե-
 ռաւ ՚ի վիշուս, թոճէր ինձ հակասութի իմն հա-
 կա-

Յարցոյ

կա-

կառակ ուղիղ բանի, և միանգամայն տրամա-
չափապէս ներհական գաղափարի ճշմարիտ կրօ-
նի՝ զոր կերպաւորեալ էի՝ ի մտի:

Վ մէջ այսպիսի տագնապեալ խորհրդոց՝
սկսայ ընթեռնուլ զգրեանս Վոլթէռի. սորա
խորհուրդ բերէին ի միտս իմ հերքել զամ-
ազգ կրօնից: Անց ամ մի ողջոյն առանց առ-
նելոյ զայլ քննութի. բայց այսու ամիւ շա-
բունակէի ըստ բաբունեացն օրինի ուսուցանել
և քարոզել ի ժողովրդանոցս: Աթէ ներքին
ինչ ազդեցութի ոչ ներկայացուցանէր հանա-
պազօր՝ ի միտս իմ զէութի միոյն Մ. յհար-
կաւորութի միոյ կրօնի, զհատուցումն վարձուց,
և զյաւիտենական դատապարտութի, գլորէի
արդեօք ի խորս անանութե: Ա երջապէս՝ խոռ-
վութի և ամբօխմունք մտաց իմոց՝ յորս վարա-
նէի, բարձին յինէն զառողջութի, և աւելի քան
զվեց ամիս ոչ ուրեք երևեցայ ի ժողովրդանո-
ցի: Յաւուր միում յետ միջօրէի ի գնալն
ուրեք ամ ընտանեաց տանն յորում բնակէի,
և զգացեալ զիս սակաւ մի առողջ քան զառ-
ջինն, կայի առ դրան առ ի անցուցանել զժա-
մանակ՝ տեսութի անցաւորաց զբաղեալ: Աւ-
ահա կրօնաւոր ոմն ի կարգէ Վարուչինաց
զկայ էառ խնդրել յինէն ողորմութի, որում և
եսու: Արոյ անթարթ ակամբք յիս հայե-
ցեալ, եհարցցիս՝ թէ արդեօք հիւանդ իցեմ.
որում

որում պատասխանի ետու թէ ոչ : Արկնեալ
 անդրէն կրօնաւորն՝ ասէ ցիս , թէ ոչ մարմնով
 գէթ սրտի՛ւ և մտօք ստուգի՛ւ հիւանդ ես : Աւ
 այս բանք նորա այնպիսի իմն ազդու զօրութի՛ւ
 թափանցեցին յիս , մինչև չկարել զսպել զիս
 առ ՚ի չյայտնել նմա որոշակի զտազնապ խոր-
 հրդոցս , ընդ որս հոգի իմ մարտնչէր : Այլ
 առ երկիւղի , զի մի տեսցեն զիս քաղաքակիցքն
 ընդ նմա , պայման եղաք ՚ի միջի գտանել զմի-
 մեանս ՚ի տասներորդում ժամու ՚ի նոյն զիշերի ,
 խոստանալով նմա յայնմ առանձին իօսակ-
 ցութի յայտնել բոլորովին զկացութի հոգւոյ
 իմոյ : Անկալաւ նա յօժարակամ զերեւալ պայ-
 մանն . և անվրէպ ՚ի ժամադրեալ պահու չո-
 քայ ՚ի տեղին՝ զոր սահմանեալն էաք : Այս-
 նուցի Քաբուչին շօրն անդէն զամ քննու-
 թիս՝ զորս արարեալ էի . և կենդանի իմն նկա-
 րագրութի ցուցի նմա զամբոխումն սրտի՛ զոր
 կրէի ՚ի խնդրելն իմ ճանաչել զճշմարտութիս ,
 որոց ներկայացեալ մտաց իմոց ՚ի միում վայր-
 կենի , թո՛ւէր ինձ մեկնել նց անդրէն և հեռա-
 նալ յինէն , ոչինչ այլ թողեալ՝ բայց եթէ
 շփոթ ինչ երեակայութի՛ յորում վայրապար
 ինդրէի հանգիստ : Տայանեցի նմա և զամ
 գժո՛ւարութիսն՝ զորս կրէի շուրջ զբերայական
 կրօնի՛ւ , և զանկարելութիսն՝ զորս տեսի ՚ի
 մահմետականն . հուսկ ապա ծանուցի նմա և
 զխոր-

զևորհուրդն զոր եղևալ էի 'ի մոտի՝ հերքել
 զինչ և իցէ կրօն, բայց խոստովան եղէ ևս թէ
 այս դիմամարտէր 'ի յիս լուսոյ բանին, և
 պատճառէր 'ի յիս զահ և զերկիւզ սոսկալի, և
 զսարսափ մահառիթ, մանաւանդ զի բռնադա-
 տեալ լինէի ևս 'ի խորհրդոց իմոց հաւատալ թէ
 հարկ է զի իցէ մի Վճ, մի ճշմարիտ կրօն,
 և հատուցումն վարձուց, կամ պատիժ՝ յաւի-
 տենակահան:

Յայնժամ Վարուչին Հայրն հարցանէր ցիս՝
 թէ յի՞նչ միտս եմ արդեօք 'ի վերայ քրիս-
 տոնէական կրօնի, որում պատասխանեցի թէ
 չեղև ինձ կարելի համոզել զիս հաւատալ եթէ
 Տն նազովրեցի որ խաչեցաւն՝ իցէ մեսիա, ան,
 և փրկիչ մարդկան: 'Ի վերայ այսր գլխաւոր
 նիւթոյ սկսաք ընդերկար իմն խօսակցութեմ, որ
 տևեաց մինչև ցերկրորդ ժամ առաւօտուն:
 Խոստացաւ ինձ 'ի շուրջ իւրում կրօնաւորն ա-
 ռաքել ինձ զնոր կտակարան մի, զոր և առա-
 քեաց ինձ հաղիւ ուրեմն զկնի միոյ եօթնեկի:
 Աւ առ պարտաւորելոյ զիս մտադրութիւն ընթեա-
 նուլ զայն, գրեաց ևս ընդ նմին՝ զի առաջար-
 կեցից ինքեան 'ի գիր աւանդեալ զերկբայութիւն
 իմ և զդժուարութիս, զորս խոստանայր լու-
 ծանել ընդ անարան վարդապետն Աղղոնիոյ:

Ընթերցումն նորոց կտակարանաց արդելեալ
 է առ Աբրայեցիս, և համարեալ իբրև զսեղա-

նակապտու թի ինչ . յոյր սակօ հրաժարեալ էի
 յընթեռնելոյ զայն՝ զի մի՛ ընդդէմ խղճի մտացս
 գործեցից . բայց յայնժամ առեալ ՚ի ձեռս
 զսրբազան գիրքն զայն՝ սկսայ ընթեռնուլ ամ
 մտադրուի : Վտի զկատարեալ համաձայնութի
 ընդ մէջ հին և նոր կտակարանաց . տեսի յայտ-
 յանդիման զլուսմն մարգարէութեց ՚ի վերայ
 անձին Յօի Վսի . և ծանեայ՝ եթէ նա է ճշմա-
 րիտ մեսիայն : Մ. Մ. ՚ի վերայ այսր ամի խոստո-
 վանիմ ևս եթէ կրեցի մեծամեծ դժուարութիս
 ՚ի յաղթահարել զհնացեալ ատելութիւն , զոր՝
 եթէ մարթ ինչ իցէ ասել՝ գիեցեալ էի ընդ
 կաթին անդստին ՚ի մանկութէ իմմէ՝ ընդդէմ
 սոյն այս Մ. մարդացելոյ : Վաղցր անունն
 Յօի , որ այժմ այսքան սիրելի է ինձ , դեռ ևս
 էր քար գայթազղութն . և նախադատութեց
 իմոց բռնացեալ ՚ի վերայ իմ առաւել ևս խոտա-
 ցուցանէին զսիրտ իմ : Մանուցի գրով Վարու-
 չին շօրն զամ դժուարութիս իմ ՚ի վր քրիս-
 տոնէական կրօնի , և մասնաւորապէս զատե-
 լութիւն զոր ունէի դեռ ևս ՚ի սրտի ընդդէմ Յօի
 զոր պաշտմն : Արոյ պատասխանին արդարեւ
 այնպէս ազդու եղև , մինչև լուսաւորեաց
 կատարելապէս զհոգի իմ : Բայց մնայր ՚ի
 յիս տակաւին ինչ ինչ երկբայութի ՚ի վերայ
 խորհրդոյ ամենասր Արորդութն , ՚ի վերայ
 մարդկութն բանին , ՚ի վերայ անութնն Յօի ,

և 'ի վերայ գոյացափոխութեան, և այլն: Այլ
'ի վերայ այսր ամի թողի այնուհետև խօսել
յատենի ընդդէմ քրիստոնէական կրօնի, և ոչ
ևս կամեցայ տալ ումէք յանիծեալ գրեանց
անտի իմոց, զոր տարածեալ էի կանխաւ,
որպէս վերադոյնդ ասացի: Այսպէս զբաղումն իմ
էր ընթերցանութի նորոյ կտակարանի, և այն
գրեթէ միշտ 'ի գիշերի. քանզի ահն՝ զոր 'ի
հրէից կրէի, արարեալ էր զիս երկչոտ. և
այսպէս՝ քրիստոնեայ էի 'ի գիշերի, և հրէայ
'ի տունջեան:

Այս գիրք մեծագին պահէի մեծաւ զգու-
շութիւն ընդ փականօք, զոր և գաղտ ընթերնուի:
Արբեմն մոռացայ առնել զայս զգուշութիւն. և
գժբաղդարար՝ Հրէայն յորոյ 'ի տան բնակէի՝
մտանէ 'ի սենեակն իմ, ձգէ զձեռն 'ի կտակա-
րանն, և գտեալ անդանօր զանուն Յիսիսի,
լցեալ խելացնոր կատաղութեամբ, դիմէ առ-
ժամայն ծանուցանել քահանայապետին զոր
ետեսն: Այլ քանզի արդէն յերկրայս էին,
և ունէին զինէն կասկած, ըստ որում չէին
լուեալ 'ի բազմաց հետէ և ոչ բառ մի 'ի բե-
րանոյ իմմէ ընդդէմ քրիստոնէական կրօնի,
յայն սակս՝ այս ամբաստանութիւն նր նպաս-
տաւորեալ յառաջին կարծեաց անտի զոր ա-
պստէն յղացեալ էին զեղանակէ մտածութե
իմոյ, հաւատարմացոյց բողորովն զաղգայինս
իմ

իմ թէ քրիստոնեայ եմ ես : Ասանայսորիկ թը-
 շէր ինձ թէ ամենեքին առհասարակ միաբանեալ
 էին ընդդէմ ինձ : Աստ զորութիւն իմ լքեալ
 մեղկացաւ . և հաւատոց իմոց ոչ հաստատեալ
 դեռևս ըստ բաւականին՝ առ ՚ի քաջասրտութիւն
 ՚ի պայքար մտանել՝ որում զիսն պարտաւորէր ,
 մնացի բոլորովին ընկճեալ յերկիւղէ աստի իմ-
 մէ : Տեսեալ և զզարհուրելի հալածանս՝ զոր
 ինձ սպառնային , պաշարեաց զիս ահ անհնա-
 բին , մինչև ստիպեցայ ըստ օրինակի Աւտրոսի
 ուրանալ զփրկիչն իմ : Առ այս սարսափելի
 եղեոնս յաւելի ևս զստութի ինչ , և հաւա-
 տարմացուցի՝ եթէ գիրքն այն պատահմամբ իմն
 գտեալ էր յիմում սենեկի : Բայց ոչ բաւա-
 կանացայ այսու . այլ կամեցեալ վերստին ստա-
 նալ զպատիւն իմ զառաջին , և զմեծ հաւատս ,
 զոր կանխաւ ունէին զինէն արք ազգին իմոյ ,
 ՚ի հետևեալ աւուր շաբաթու արարի զպար-
 սաւադիր ատենաբանութիւն ընդդէմ Յսի
 Վսի , լի բազմօրինակ հայհոյանօք առաւել
 քան զայլ ամ՝ զոր յառաջագոյն արարեալ էի :
 Համոզեալ ապա Աբրայեցւոց՝ ետուն ինձ նո-
 րանոր գովասանս և նշանս յարդանաց : Առ այն
 ինչ ելեալ ՚ի ժողովրդանոցէ անտի՝ իբրև
 սկսայ խոկալ զոր արարի , ազդումն խղճի մտաց
 իմոց՝ որ չև էր շիջեալ՝ ահարկու կշտամբանս
 ինձ ՚ի դէմս ածէր : Աս ներկայացուցանէր ինձ

զբօլանդակ դարչուն թի մեղաց իմոց, հանդերձ
 սարստիկէի մեծամեծ ցաւովք, մինչև ՚ի ներքին
 խայթոճածոց անտի մտացն խղճի՝ գտայ հար-
 ոճածեալ անբժշկելի: Անկայ ՚ի յուսահատու-
 թիւն, եղեալ ՚ի մտի՝ թէ չէ ինձ մարթայնու-
 հեաւե գաանել զթողութիւն յՄ և ՚ի փրկչէն
 իմնէ, զոր ոչ միայն յիմարաբար ուրացեալ էի,
 սյլև ան դիւահնար բանիւք հայհոյեալ. գործ-
 որ անկ էր այնմ՝ և եթ որ խալառ զուրկ էր
 ՚ի բանականութէ: Իւրաքանչիւր մտածութիւք
 իմ նորանոր առիթս յուսահատութե ինձ առաջի
 դնէին. քանզի դեռ չէի ծանօթ ըստ բաւական
 նին անհուն մեծութե՝ գթութե, բարութե, և
 համբերութե ան իմոց հնի: Ասանորոյ լքայ
 բողբոջին՝ ընկձեալ յամի՝ զորօրինակ մարթ
 էր լինել, ընդ այսպիսի անողորմ և առաւել
 խժդժական յուսահատութք: Իբրև ուժգինս
 դղրդեցայ ՚ի ներքին ամբողջանց՝ որ յիսն
 զայրացան, անկայ ՚ի դժնեայ իմն ՚ի մելամաղձ
 թախծութի:

Հուսկ ուրեմն զթացեալ Մ ՚ի վերայ իմ,
 հաճեցաւ զարթուցանել ՚ի յիս անդրէն զյի-
 շատակութի անային մարդասիրութեան իւրոյ,
 և թէ՛ չափ գթութեան իւրոյ անցանէ զան-
 ցանէ յանբաւս ըստ չափ անօրէնութեանց ի-
 մոց: Աշոյլ ինչ յուսոյ յաւել կենդանացու-
 ցանել զկիսամեռ սիրտ իմ. և փղձկեալ գառ-
 նա-

նադառն ցաւովք որբալով, լացի զճանրութի
 մեղաց իմոց: Արաստուճալիւր աչք, բեկեալ
 սրաիւ, զզջացեալ անձամբ'ի ծուճկս անկեալ'
 խնդրեցի պարզմտութեամբ ԱՅ'ի փրկչէն իմ
 մէ զթողութիւն: Ախտեցի ոչ ևս հանդիսա
 նալ'ի բաբունական գահոյս'ի մէջ Արբայեց
 ւոց: Այլ զամ աւուրս կենաց իմոց՝ յորս մարթ
 էր ինձ ապրիլ, նուէրս մատուցի ԱՅն իմոյ,
 զոր հազիւ սկսեալ էի ճանաչել այնպէս՝ որ
 պէս նա ինքն կամէր ծանուցեալ լինել'ի
 մէնջ, և տայր ինձ ճաշակել զբարոյս և զկե
 նարար զեղմունս շնորհաց իւրոց: Անդէն առ
 նմին անկեալ առ ոստնորին՝ առաջադրեցի հրա
 ժարել յամէ, առնուլ ինձ'ի բաժին այնուհետե
 զխաշն, և հեռեւել փրկչին իմոյ: Առստացայ
 ևս թէ ոչ միայն քարոզեսցի'ի վերայ տանեաց
 հաւատալս իմ ամ՝ վարդապետութեն քրիստո
 նէական և ուղղափառ հաւատոյ, այլև՝ եթէ
 կարելի լինէր, կամ էր ինձ ծանուցանել ընդ
 ամ աշխարհ, և միանգամայն յայտնել ամ
 մարդոյ, թէ ես դաւանիմ զնոյն ճշմարիտ Աճն
 իմ, որ հաճեցաւ կոչել զիս'ի փրկութիւն
 յանակնկալ ժամու, և հրաշալի իմն եղանա
 կաւ: Այլ մասնաւորապէս յայնմ երջանիկ պա
 հու եղի'ի մտի՝ զի պարապեցայց'ի բովան
 դակ յետագայ կեանս իմ'ի փութալ դարձու
 ցանել զեղբարս իմ առ Աճ, որք կան թակար
 դեալ

դեալ 'ի ստոճերս մահու, և թաղեալ 'ի վիհն կորստեան: Ասնորոյ զամ զյոյս իմ ապստ-
տան արարի յօգնականութիւն Մ, ակնկալեալ
թէ նա ինքն օրհնեսցէ զամ զվատակս իմ:

Հազիւ թէ հաստատեալ էի 'ի խորհուրդս
իմ այսպիսի բացորոշութիւնք, ահա հանդար-
տեցաւ ալէկոծութիւն իմ մրկախառն, որ այն-
քան բռնագոյնս զանձն իմ չարչարէր, և առժա-
մայն 'ի սրտի իմում զգացի զխաղաղութի իմն
տքան չելի՝ որում մինչև ցայն վայր սնծանութ-
էի: Ուստի առաջին փոյթն իմ եղև ծանու-
ցանել զայս ամ առ Հայրն Առաքիլկոս որ է
վերոյիշատակեալ Քարուչին կրօնաւորն, և
նա հրամայեաց ինձ չու առնել փութալ գնալ
'ի Աղոնիա: Ոչինչ յապաղեցի ապա կատարել
զպատուէր նր, վնորոյ և գտի շնորհս ընդու-
նելոյ անդանօր զնք խորհուրդն մկրտութե յա-
մին 1783, 'ի չորրորդ աւուր Փետրվարի: Ա-
ւուրբք ինչ յառաջքան զմկրտութի իմ գրեալ էի
հօր իմում և տոճեալ զտեղեկութի վն ընդգրկելոյ
իմոյ զքրիստոնէական հաւատս: 'Ի նմին քարտի-
սի յառաջբերի ևս և զպէսպէս վկայութիս 'ի հին
կտակարանաց, առ 'ի արդարացուցանել զդարձն
իմ առաջի նր, և միանգամայն ակնուննելով
'ի նա ինքն ազդել զայն փրկաւէտ ներգործու-
թիս այսպիսի միջոցաւ: Այլ աւաղ, զի նա
առաւել ևս խտտասրտեալ, ոչ զայլ ինչ պա-
տաս-

տասխանի արար, բայց եթէ զհարամաղթութիս
 ընդդէմ ինձ, և զառաւել զարհուրելի հայ-
 հոյութիս ընդդէմ կրօնին զոր ընդգրկեալ էի:
 Ի նմին քարտիսի իւրում առաջի արարեալ
 էր ինձ զպէսպէս առարկութիւնս, որոց փոյթ
 յանձին կալայ պատասխանել ամ ակնածութիւնս.
 զի բաղձայի լուսաւորել զմիտս նորա նշուլիք
 ճշմարիտ լուսոյ. և աւարտեցի զբանս իմ,
 մաղթելով ՚ի անէ, զի հաճեացի ծանուցանել
 և նմա զճշմարտութիւն: Այսմ երկրորդ ողջու-
 նագրի իմոյ պատասխանեաց հայրն իմ և ոչինչ:
 (Նետ այսորիկ ծանեայ) եթէ պատրաստեալ են
 ինձ դարանակալս՝ աւազակել բառնալ յերկրէ
 զկեանս իմ. և զայն՝ ՚ի միոյ ՚ի միաբանելոց
 անտի, որ մասնաւոր նախախնամութեամբն Այ
 յայտնեաց ինձ զմահառիթ կամս նոյն:

Օայսօրինակ փրկեաց զիս տէր ՚ի ձեռաց թըշ-
 նամեաց իմոց, և ընկալաւ ՚ի գոգ հարսին իւրոյ
 կաթողիկէ սբ Ակեղեցւոյ. և փառաւորեալ
 մայր նորա Աոյսն անարատ՝ ընդ իւրով ընկա-
 լաւ պաշտպանութիւն, և խնամակալ եղև ինձ
 յոյնմ՝ օրէ և առ յապա:

Ի հրամայել ինձ գերապայծառ կայսրընտիք
 Արհիեպիսկոպոսին Աողոնիոյ՝ առնել ատենա-
 բանութի ինչ ընդդէմ վարդապետութեն՝ զոր
 կանխաւ ջատագովեալ և ուսուցեալ էի, կա-
 տարեցի զնորուն հրաման՝ եղեալ բնաբան զնոյն
 յիսն.

յիսնևերեքերորդ զլուսն Ասայեայ, որով երիւք
 ամօք յառաջ հաճեցաւ Աճ լուսով հաւատոյ
 լուսաւորել զաչս մտաց իմոց: Արցնօրինակ և
 ՚ի նմին աւուր հաճեցաւ անային բարութիւն իր
 գործի առնուլ ՚ի ձեռին զբանս իմ առ ՚ի կոչել ՚ի
 քրիստոնէական հաւատս զհինգ գերդաստանս՝
 որք ամ ընտանեօքն մկրտեցան ՚ի Աղոնիա յա-
 մին 1783, ՚ի հնգետասաներորդ աւուր Փետր-
 վարի: Այլ ես անղաչեմ զանքն մեր Յն Քն,
 զի հաճեսցի զկուրացեալ ժողովուրդ իւր, և
 մանաւանդ զպարզանիկ ընտանիսն իմ կոչել
 ՚ի սոյն քրիստոնէական ուղղութիւն հաւատս
 կաթողիկէ, մինչև բոլոր Ասորայել հաւատասցէ,
 և նո՛ւրեցէ զամ զփառս, զգովեստ, զյար-
 գութի, և զպաշտօն Յնի Քնի մարդացելոյ,
 որ կենդանի է և թագաւորէ ՚ի միութեան ընդ-
 անօր և ընդ սոյն անօրոյն ՚ի յաւիտեանս,

Ամէն:



